



ARUBA ANSE COURANT



Diario



pa Aruba



Instala Aireacon-
dicionado na bo
cas AWOR!



Tel. 2170

ANJA 22

DIAHUEBS 8 DI DECEMBER 1960

Nr. 3910



NOS VITRINANAN TA LISTO....

Nos ta invitabo bin aprecia e coleccion
di regalonan eschoi cu ta exponé den
nos nueve vitrinanan.

Esurtido mas grandi den nos negoshi
di ultima novedadnan ta encanta cual-
quier dama.

Nos personal experto lo sintie honra di
por demostra e articulonan aki (sin
obligacion di compra)

Ino lubida ESAKI:
Cada regalo ta bonbini, pero dobbel
bonbini ta un regalo compra serka:



Proposicion revisa entrega na conseho di ministronan di C. E. E.

Reglamento especial pa importacion
di azeta for di Antillas

BRUSSEL, 7 dec. — Fuentan bon informa na Brussel a infor-
ma cu gobierno di Belgica a presenta un proposicion revisa pa
asociacion di Antillas Hulandes cu e comunidad economico
Europeo. E documento a worde entrega na conseho di minis-
tronan dje comunidad economico Europeo algun dia pasa.

E proposicion nobo, cu a worde e-
fectua despues di discusion entre Den
Haag y gobierno di land na Willem-
stad, a worde anuncia caba pa e mi-
nistro di asuntunan exterior, mr. Luns,
durante e ultimo reun'on dje minis-
tronan di asuntunan exterior dje 6
paisnan di comunidad economico eu-
ropeo na Paris.

BOLS

A worde informa cu e proposicion
nobo ta contene un reglamentu es-
pecial pa importacion di zeta for di An-
tillas Hulandes na e paisnan dje co-
munidad economico europeo (EEG).
Esaki kier meen cu medidanan lo
worde tuma si resulta cu e importa-
cion di zeta antillano ta causa distor-
cion comercial riba e mercado com-
mun. E obyekcionnan contra e pro-
posicion original hulandes pa asocia-
cion tabata d'igi, particularmente ri-
ba e miedu, cu importacion liber di
zeta for di Antillas lo causa stroba-
cionnan den concurrencia.

E proposicion ta stipula tambe a-
parentemente cu e asociacion lo wor-
de regla segun e stipulacionnan dje
pacto, cu ta aplicable riba e territo-
rionan ultramar cu e ta menciona. Si
e reglamento aki causa dificultad den
praktijk, lo mester hanja un solucion
di comunidat p'e.

Un grupo ejecutivo, consistiendo di
representantenan dje comision euro-
peo y di e expertonan nacional dje 6
paisnan cu ta acredita cerea e comu-
nidad, lo studia e proposicion, asina
a worde informa.

ENTREVISTA CU DIPUTADO HENRIQUEZ

ORANJESTAD. — Majan, segun
nos a worde informa pa Voorlichtings-
dienst lo tin na e dos radio-emisoran
Kelkboom y Voz di Aruba un en-
trevista cu diputado O.S. Henriquez.
E entrevista, cu ta worde teni pa 6 or
di tardi via Voz di Aruba y pa un
cuarto pa shete di anochi via Radio
Kelkboom lo trata riba e proyectonan
di urgencia y e bishita na Hulanda di
e diputado en kestion.

Tato Frigerio a muri despues di enfermedad breve




E.O. Frigerio
Protestant na Oranjestad.

Sr. Egbert Octavio (Tato) Frigerio
a nace dia 3 di maart 1903 na Aruba

como di ocho y ultimo jiu den e fa-
mia di sr. Victorio Francisco Plin'o
Americo Frigerio y sra. Anna Catha-
rina Frigerio-Quandt. Di dje ta co-
nocci cu na edad hoben di mas o me-
nos binti aña el a nabega pa algun
anja riba „Merida” un barco chikito
di e „Red D. Line” bon conocci pa
e habitantenan mas bieuw di nos isla
y cual tabata e barco cu frecuentem-
ente tabata haci viahenan entre
Aruba y Maracaibo.

Despues di esaki sr. Frigerio a
drenta den servicio di gobierno, na
unda finalmente el a alcanza e binti-

(E ta sigi riba pag. 2)



FORD TAUNUS 17 M

„All the Comfort that you demand in
an automobile today!”

THURSDAY DECEMBER 8TH.

from 7.00 p.m. - 9.00 p.m.

'61 TAUNUS SHOW

at our showroom in Oranjestad.

NEME IMPORT EXPORT CO. INC.
Aruba's leading cardealer.

f. 10.-



Parker 45

De nieuwste Parker
de vulpen met patroon-vulling,
speciaal opvallend is hierdoor het
inktreservoir terwijl de 14 krt. gou-
den pen onberispelijk schrijven ga-
randeert. Prachtige glimmende dop
- keuze uit 6 kleuren.

ARUBA BOEKHANDEL
PALAIS ROYAL N.V.

Florin Antillano ta para fuerte

WILLEMSTAD, 8 december. —
Hamas florin antillano tabata mas
fuerte para cu awor. Asina nos a ri-
eibi ajera mañeta como comentario di
Servicio Informativo di Gobierno res-
pecto e rumoronan cu ta circula tocan-
te devaluacion di florin antillano.

Na Aruba tabata circula rumoronan
cu awe florin antillano ta devalua.
Diferente comerciante a apura nan
pa medio dje rumoronan ei na paga
debenan na estranheria.

Di parti di gobierno nan a contra-
decir e rumoronan ei categoricamente.

MISA NA SEROE PRETOE

SAN NICOLAS. — Awe tardi lo
worde teni atrobe un sacrificio di
misa den gruta di Lourdes na Weg
Seroe Pretoe na San Nicolas. Pa
cinco'or y mei e sacrificio di misa ta
cuminza y tur parochianan ta worde
spera pa asisti.

F A T U M — Tel.: 1845
Pa tur bo aseguranan

O. MINGUS A GRADICI

SAN NICOLAS. — Den e reciente edi-
cion di „Aruba Esso News” a sali pu-
blica un gradiciemento chikito di e presi-
dente di Lago Oil & Transport Co. Ltd.,
Sr. O.S. Mingus, cu a trata tocante di
e welga contra e compania ey. E tek-
sto di e mensahe ta manera ta sigi:

„Manera mi a verwacht di nan, e
gran mayoria di empleadonan di Lago
a traha manera costumber durante e
tempu cu un grupo chikito tabata trata
di stroba nos operacionnan normul.

Pa e accion sensible y leal aki, mi
ta presenta boso mi elogio y gradici-
mento.

O. S. MINGUS

CINE NA PIEDRA PLAT

PIEDRA PLAT. — Sr. S. Luidens
di Lago's Public Relations Depart-
ment lo ta na Piedra Plat majan ano-
chi cu su machin di cine.

Pa shete'or di anochi riba terreno
di futbol di S.V. Britania lo e ta pa-
sando algun pelicula for di e cine-
truck. Ta trata di peliculanan edu-
cativo y di seguridad. E titulonan ta:
Nature's Half Acre, Charles Haunt
y A World Wat Born.

HBU

Ook voor u:
de HBU

HOLLANDSCHE BANK-UNIE N.V.

ORANJESTAD - TELEFOON 11340
ORANJESTAD - TELEFOON 1200
SANTO NICOLAS - TELEFOON 5090

Mr. & Mrs. Leo Berlinski
take pleasure in announcing
the birth of their
daughter
DEBORAH ANN

Aruba, december 5th, 1960.
San Pedro Hospital.

Lesu „Arubaanse Courant“

FUTBOL FUTBOL FUTBOL

ARUBA VOETBAL BOND
ta presenta
AWENOCHI, 8 di December pa 7.30 p.m.
den
WILHELMINA STADION
BRASIL JRS. vs. MARINIERS
B-klasse

Entrada Fl. 0.50

FUTBOL FUTBOL FUTBOL

TERRITORIO INSULAR DI ARUBA

Ontvanger di Territorio Insular di Aruba ta participa cu ananmaningnan pa Houdensbelasting 1960, di cual e aanschijfjettien ta fecha dia 15 di oktober 1960 y pa cual aannanmaning no a sali ainda, lo worde poni na post dia 14 di december 1960 y cu gasto di aannanmaning pa es debenan ariba menciona lo worde cobra for di 16 di december 1960.

Aruba, 5 december 1960.

Now on display in the showroom of the A.T.C. Garage
The Luxurious CORVAIR MONZA
Sports club coupe.

With high performance engine.

- 4 speed gearbox for quicker pick-up and higher speed
- Comfortable bucketseats, individually adjustable.
- Luxuriously trimmed.

Now you can enjoy a real sports car for a moderate price and touring car comfort.

ARUBA TRADING COMPANY
Rondweg 1 - Oranjestad
Tel. 1648-1653 - San Nicolas tel. 5040

for
the
figure...
of
your
dreams

maidenform®
ARABESQUE®

ARABESQUE is for every fashion... every figure. Truly French in design, it's just about everything a woman could want in a bra. The cups are embroidered in a lovely floral pattern. Circular stitched and spoke-stitched too... offers you a lovely contour. Bias-cut insert between cups gives broadcloth unusual flexibility... stays firmly but nicely in place. Under-the-cup broadcloth bands join with center elastic for superb support.

JANTZEN SHOW



Pa dificuladnan tecnico ta awor numa nos ta den ocasion pa publica portretnan di e show di traje di banjo cu a tuma lugar diabierna siman pasa na Aruba Caribbean Hotel. Aki riba nos ta mira na robez e mannequin Norma Hedlund den un model magnifico y na drechi Margret Young den un creacion gracioso di Jantzen pa 1961. Tabata sra. Pamela Schlachter kende a train tur e mannequinan. Organizadoranan di henter e show tabata e damas Irma Beaulon, Hilda Porry y Vera Henriquez.

Huez a duna razon na Sociedad Juventud Cristian cu a procede contra di C. Oomen

ORANJESTAD. — Porfin, nos ta spera, a jega un fin na e desacerdondan cu pa basta tempo caba tabata existi den circulo di Juventud Cristian, e conocido club di hobennan cu ta tanto activo den nos comunidad. E desacerdondan aki cu principio tabatin un caracter priva pero despues cu nan no por a logra ni do ni la, un di e partidonan a dicidi na aendi na huez den prome instancia. Mr. PV Sijm Fat actuando como abogado di e Sociedad Juventud Cristian a cuminsa un huicio sumarisimo contra di sr. CA Oomen, e partido contrario, y kende a worde defendi pa mr. P.P.C.H. van de Voort.

Huez despues di a tende ambos partido a dicidi na duna sentencia y di duna e Sociedad razon den su demanda. Nos kier trece en cortio e desacerdondan cu tabatin como consecuencia trecemento di e caso dilanti huez.

Manera ta conoci pa basta tempo caba e Sociedad tin un fondo pa construcion di e clubhuis. Diferente accionnan i worde teni pa hanja e fondonnan necesario y nos ta corda entre otro e feria di algun luna pasa. Sr. Oomen e tempo ey tabata presidente di e Cuerpo Consehero di e Sociedad y e Sociedad na un dado momento no tabata kier e senior aki mas como presidente. Sr. Oomen ey a nicidi na lanta un Stichting Juventud Cristian y esaki a keda funda ora cu pasamento di acto a tuma lugar pa notario mr. C. Heulke. Sr. Oomen e ora ey a pasa e fondo di construcion, placa etc. na number di e Stichting cu a caba di ser funda. E ora ey a resulta e desacuerdo entre sr. Oomen

y resto di e miembronan di e Sociedad. Den un reunion nan a trata tocante dunamento di retiro na e presidente aki. Na mes momento un otro grupo a lanta un otro Stichting Juventud Cristian, di cual e acto a worde pasa pa notario F.J. Thijssen. E Sociedad e ora ey a dicidi na pasa e explotacion y trahamento di clubhuis na e segundo Stichting (di Thijssen). Y tambe nan a duna e Stichting aki e autorizacion cuminsa un proceso contra sr. Oomen y e Stichting (di Heulke).

Den e proceso nan a stipula cu e bouwfonds fuertemente worde pasa over na e segundo Stichting (di Thijssen) y tambe pa prohibi sr. Oomen di sigi actuando como presidente di e Cuerpo di Consehero. Tambe pa prohibi e prome Stichting (di Heulke) di jama nan mes Juventud Cristian ya cu esaki por trece confusion cu e Sociedad.

Demanda a hanja razon
Diabiernes ultimo huez a duna razon na e demanda (e proceso) di e Sociedad Juventud Cristian.

Esaki k'ier meen cu sr. Oomen y Stichting tin cu entrega denier di 72 horas e bouwfonds y tur otro propiedadnan na e segundo Stichting (di Thijssen). Na sr. Oomen a worde prohibi tambe pa sigi actuando como presidente di e Cuerpo di Consehero. Na e prome Stichting (di Heulke) a worde prohibi pa no usa e number Juventud Cristian mas. Riba tur esaki e huez a pone un „dwangsom“ cu mester worde paga si acaso e prome Stichting nenga di cumpli cu e sentencia. E dwangsom ta fls. 100.— pa cada dia cu e prome Stichting falta na duna e bouwfonds y otro propiedadnan na e segundo Stichting. Y por ultimo un dwangsom di fls. 500.— pa cada biaha cu sr. Oomen actuando como presidente y cu e segundo Stichting usa e number Juventud Cristian. E partido Oomen adenmas a worde sentencia pa paga e gastonan di e proceso.

UN SEGUNDO WILHELM TELL

Un periodista Aleman di 35 anja, kende tabata hopi bau su awa algun dia pasa, a hanja e idea den su cabes pa invita e afamado hanzan di Wilhelm Tell. El a invita un colega di 24 anja den su cuarto na Luebeck y a suplica esaki pa pone un botter di binja riba su cabes. E hombre a haci esaki, despues di cual e periodista, burachi a tira cu su revolver riba e botter. Su colega actualmente ta den peligro di bida.

BOTADURA DI SLEEPBOOT „ARIKOK“

ORANJESTAD. — E sleepboot di territorio insular Aruba, cu a worde pidi di serca e firma Hollandse Scheepbouw Associatie, y construi door di Scheepwerf P. Gashouderbouw, V. H. Jonker & Stans, dia 15 di december proximo lo ser baha na awa na Hendrik 1e's Ambacht.

E ministro plenipotenciario di Antillas Neerlandes lo representa e Bestuurscollege di e territorio insular Aruba na e ceremoniaki.

Sra. Marie Louise Beaulon, jiu di nos Havenmeester senior C. H. Beaulon kende actualmente ta cu verlof na Hulanda, lo efectua e bautismo.

—(V.L.D.A.)

NASI Y DIEPTEBOM PA HUESPEDNAN ABORDO DI „VAN AMSTEL“

ORANJESTAD. — Como sesenta persona, mayoria di nan miembro di Koninklijke Nederlandse Vereniging „Onze Vloot“ a tuma parti den e excursion ayera tardi como huesped di Koninklijke Marine abordo di Hr. Ms. „Van Amstel“, e stationschip na Antillas.

Tabata un biaha exitoso cu tal di sofresanan abordo, manera e rookgordijn dilanti di Aruba Caribbean Hotel, cantidad di piscu banda di e refineria Lago, dieptebommen na zuidkust y lamannan bruto cu nasi goreng nu Noord. Poco despues cu nan a sali for di haf di Oranjestad H. L. Z., le klasse T. Vlothuizen a dirigi palabra na e huespednan. Na fin di e excursion tabata senior Jos. van der Schoot, secretario di „Onze Vloot“ na Aruba, kende a expresa palabranan di gradicimento. Riba esaki officier, lt. z. C. Heitz, a entrega na senior Van der Schoot na number di henjer e tripulacion, un redingsboei cu nan mes a traha, como prueba di aprecio y gradicimento di Marine na „Onze Vloot“, cu specialmente na Aruba semper ta para cla pa hendenan di Marine y koopvaardij.



Desorden na fiesta

TANK LEENDERT. — Durante di un fiesta diadomingo marduga pa un cuarto pa dos na Tanki Leendert tabatin masha bochincha door di algun hombre cu no tabata invita y tog kier a drenta. Polisnan cu a bini pa mantene ordu a hanja nan mes saluda cu masha hopi palabrado insolente y te hasta a hanja algun piedra bonta riba nan. Nan mester a haci uso di e carpa chi pretu. Ocho di e hombernan cu no kier a moef despues cu e polisnan a pidi esaki varios biaha a worde hiba y cera na warda. For di e desorden aki a resulta cu un auto a worde maltrata. Cuater di e hombernan por a bai cas despues cu curpa a drecha pero e otro nan cu tabata e culpabonan principal, M.E.D., H.P. H. D.B.H. y J.B.B., a keda deteni por to promto.

Homber a kibra cos y corre bai

TANKI LEENDERT. — Cu masha urgencia nan a pidi asistencia diasabra anochi pa un cuarto pa diez pa un tal G.G. cu a drenta den un refresqueria na Tanki Leendert y a cuminsa ta kibra e cosnan ey den. Na jegada di patrulla e hombre aki a corre drenta su auto A-5049 y corre bai. Nan a sigiwele te na Playa na unda na e skina di Kamerlingh Onnestraat — La Salle straat el a sigi corre straight y a drenta den cura di un parcela. Danjo na e auto ta fls. 100.— y na e cura fls. 200.—.

Pelea na San Nicolas

SAN NICOLAS. — Na altura di Shanghai Restaurant tambe tabatin



pelea diasabra atardi pa diez pa dos y na unda nan a dal un homber basha abau. Na jegada di patrulla tur cos tabata keta atrobe.

Hopi awa

ROOI FRANCES. — Pa motibo di e tanto awa cu a cai diasabra atardi ultimo a resulta cu e trafico den e valle aki a hanja algun contratiempo. Pa 8'or y mei e awa, cu a jena tur e caminda, a baha atrobe despues cu tabata jobe fuerte for di seis'or y mei.

Sangrando

TANKI LEENDERT. — Nan a pidi asistencia diadomingo atardi pa cuat'or y mei den refresqueria Unico na unda un homber a canna drenta ta sangrando.

A resulta cu e tipo aki T.L. a cai algun caminda y a hanja heridanen. Na Tanki Leendert nan a informa tambe cu un tal T.F. tabata bringando y patrulla a bai cunele te ora cu eurpa a drecha atrobe.

Chofernan bau di influencia

Dialuna marduga pa cinco pa uno patrulla a para chofer A.T. di A-2715 kende pa motibo di uso di mucho alcohol no por a maneha su auto debidamente.

Na Santa Cruz tambe nan a prohibi diasabra nochi 10'or un tal F.T. di maneha A-5938 ya cu e tambe tabata bau di influencia.

Y na San Nicolas diadomingo pa 7'or y mei nan a para L.B. manehando A-4696. E tambe tabata bau di influencia. Tur e tres personanan aki a hanja proces-verbaal.

Lio den Park

ORANJESTAD. — Asistencia mester a worde pidi dialuna pa diez'or di mainta den Willem de Zwijgerpark na unda tres homber burachi tabata molestia algun hende di D.O.W. cu tabata trahando den e parque menciona. Tur tres, D. de C., E.F. y C.G.B. a worde hinka den cel.

Tira botter

SAVANETA. — Den e distrito aki patrulla mester a cera un homber pa su mes seguridad y tambe di otro personanan, pa motibo cu e tipo burachi aki tabata tirando eu botter.

Auto contra pipa

SAN NICOLAS. — Diasabra atardi pa cuatro pa seis den Helfrichstraat e auto A-1322 maneha pa R.W. a dal contra di un pipa cu tabata sali for di kashi patras di truck A-122, maneha pa C. R.H. Danjo na e auto ta fls. 200.— y na e pipa fls. 10.—.

Choke contra poste di luz

NOORD. — Na caminda di Noord a tuma lugar dialuna anochi pa shet'or un choke entre auto A-3886 maneha pa G.M.E. y un poste di luz na altura di e Sport Centrum. E wayanan di electricidad na e poste a kibra y e poste mes a hanja un danjo di fls. 200.— E auto a machika pa fls. 500.—.

ENTIERRO DI SR. E. O. FRIGERIO

(Continuacion di pag. 1)

cinco anjanan di servicio. Na 1953 el a bai cu pension como telegrafista 1e klasse, pero ora cu dos anja despues nan a bolbe pidiele pa traha e tabata presente atrobe. For di 1955 te cu algun dia pasa el tabata atrobe den oficina di Landsradio dienst na Aruba trahando sin falta un dia. Eynan nan tabata aprecie masha hopi como colega.

Sr. Frigerio, kende awor ta laga su senjora Agripina Frigerio-Henriquez atras, tin tres jiu: Egbert Randolph, Elva Rhoda, esposa di sr. Han-M.T. Stenhuizen, kende como cantante a gana hopi fama, y Astrid Antoinette.

Diezcinco anja largo sr. Frigerio, kende semper no tabata gusta publicidad y kende su actividadnan por lo tanto ta conoci na masha poco hende, tabata un „adiken“ di e Comunidad Protestant na Aruba. Pa hopi anja tambe e tabata un gerente devoto di e santana Protestant. Semper e tabata un persona keto y simpatico cu hopi amigonan.


Den esnan cu a canna tras di entierro nos a mira e.o. Gezaghhebbor F.J.C. Beaulon.

STUK VOOR STUK SUPERPRODUCTEN van PHILIPS




Model BOX15U
Heldere geluidsweergave door 4" luidspreker. In zeer attractieve en moderne uitvoering.

CONTANT £. 45.—
Op afbetaling:
F. 10.— per maand




Model BOX17U
4" luidspreker, 4 buizen, bijzonder goede ontvangst en weergave.

CONTANT £. 48.—
Op afbetaling:
F. 10.— per maand




Model B3X95U
Een schitterende prestatie op het gebied van vormgeving en moderne radiotechniek — 3 Golfbereiken — 4 Toetsen — Pickup-aansluiting — Toonregelaar.

CONTANT £. 80.—
Op afbetaling:
F. 10.— per maand




Model B3X96A
VOORTREFFELIJK VAN KWALITEIT, UITZONDERLIJK LAAG IN PRIJS. Vier banden, vijf druktoetsen, continue regeling van hoge tonen. Ingebouwd antenne systeem in alle golfbereiken. Verrijgbaar in zeer aantrekkelijke kleurencombinaties bruin en donker-rood.

CONTANT £. 99.—
Op afbetaling:
F. 10.— per maand



Model B4X95A
Aansluiting voor pickup, tape-recorder, 6 buizen, bijzonder goede ontvangstmogelijkheden, zeer smaakvol hoogglanzende houten kast.

CONTANT £. 142.50
Op afbetaling:
F. 15.— per maand



Model B5X05A
Een prachtige radio in een hoogglanzende houten kast, 7 buizen, aansluiting voor pickup en tape-recorder.

CONTANT £. 180.—
Op afbetaling:
F. 20.— per maand



Model AG1124
4-speed platenspeler, ook voor stereoplatten — automatische platenwisselaar.

Slechts £. 76.—
Palais Royal Aruba N.V.

SANDALIAS Y ZAPATOS PLAT....

Si bo no ta hanja zapato di bo size, ta pasobra ainda bo no a bai bishita Zapateria HARTOG caminda bo ta hanja un surtido di zapato elegante, luhoso y den tur tamanjo, no. 3 americano pa riba. Sandalia of zapato plat, ki modelo cu bo ta desea bo ta hanja na Zapateria HARTOG, caminda tur cu compra ta sali bisando:

TUR ZAPATO TIN SU PIA, PERO PA TUR PIA HARTOG tin e zapato di mas mihor.

GRAN BAILE

ORGANISA PA E KOOR „VIVONS EN CHANTANT”

diasabra awor, dia 10 di december 1960 di 10.00 p.m. — 2.00 a.m. na Palm Beach Club, ameniza pa e conjunto „LOS DUQUES”

Entrada: Fl. 3.— caballeros — Fl. 1.50 damas

Caarchi obtenible cerca e miembran di e koor e.o. srta. L. Marchena Colombiaststraat 4 of na oficina di S. N. Ecury.

VIANA'S ANNIVERSARY RAFFLE

will be drawn on DECEMBER 17TH.

FIVE LUCKY PEOPLE ARE GOING TO WIN THESE PRIZES HURRY

and buy your new or used car from Viana's and get a ticket, to secure your chances in this raffle.

Remember, for the best in new or used cars, for genuine replacement parts and better service

VISIT

VIANA'S

Aruba's Best And Oldest Auto Dealer

DESPUES DI CADA CUMINDA SENDE UN

CORONITAS

E SIGA MAS POPULAR DEN ANTILLAS

A Scotch Whisky of exceptional character

Those who are satisfied with nothing but the very best choose Buchanan's "De Luxe" Scotch Whisky. In its outstanding quality and distinctive mellow flavour they find the perfection they demand.

BUCHANAN'S "De Luxe" SCOTCH WHISKY

Distilled, Mended and bottled in Scotland James Buchanan & Co Ltd, Glasgow, Scotland and London

Sole distributors E. F. DEBROT INC.



Un Solicitud Matrimonial

pa: Tuyuchi

No. 73

Sherry su lipnan a tembla, el a tira un bista rba e carta y tabata waak rond den e cuarto cu tabata awor asina bandida. Diripiente Sherry tabata sintie akina solitario. E no por a pensa bon mas. Ta unda Hero por ta? Y su celebran a nenge nan servicio.

Ora cu el a drenta e cuarto el a larga e porta queda abri y unhez el a ripara cu tabatin un hende para den e porta. El a draai y a mira e camarero, cu a queda ta mire cu cara serio. Silencioso nan dos a queda ta mira, otro.

Sherry quier a pensa algu pa aclarar ausencia di su muhe y Bootle a queda ta spera cu calma. Como cu e no a pensa nada na e momento ei el a bisa cortio:

"Bootle, bo sa qui ora lady Sheringham a bandida cas?"

"Bootle a drenta y a cerra e porta su tras.

"Mi n' sa sigur, mylord. Pero mi ta quere cu ta foi atera nochil". Y despus di a bai na bentana pa e pone e cortinan net manca sa ta su custer e camarero a continua:

"Mi ta supone cu senjora a bai hunta cu camarera, pasobra e criar di cas a bisa mi cu Maria no a drumi riha su cama tampoco atera nochil".

Cu un cierto satisfaccion el a mira cu cara di su maestro a abri un poco. Y e criar a bisa: "Mi tabatin e libertad di a conta e personal cu lady Sheringham mester a bai pura, pasobra un famia di dje a cai malu".

Sherry a coloriza.

"Masha danki pa loque b'a haci, pasobra esei lo ta un medida masha bon. Sin embargo nan lo no curre bo tosh".

"Como no, mylord. Nan mester por omer. Bo por acepta esei di mi su ma".

"Mi ta masha agradecido na bo.

Sin embargo mi quier a sa un cos. Por ta un shers di huur lady Sheringham a larga pidi?"

"No, mylord. Pero si bo ta desea, mi por informa esei".

"Cu mucho gusto".

"Masha bon mylord. Y bo quier ricibi lord Wrotham? Of mi conte cu b'a sali?"

"Lord Wrotham?"

"E ta 'bao den biblioteca', Bootle a bisa.

"Larga mi bai ricibie". Sherry a bisa y a bandona e cuarto pura.

Lord Wrotham, bisti na uniforma di caballero tabata para d'lanti fogon.

"Halo, Sherry! Ta qui dja, h'a regresa? M'a quere cu bo tabata na Melton?"

"No". Sherry a bisa. "No, George..."

Lord Wrotham a hala e clavel cu e tabatin den su knoopsgat pone un poco net y a punte cu un cara di mas inocente:

"Lady Sherry ta ela na bai corre un poco cu mi? Mi quier bai purba un paar di cabai nobo. Gil n' bisa bo nada?"

"Gil?" Sherry a puntra. "Ta qui co a pasa cu Gil?"

George a hari. "Oh, nada particular, solamente ta parece manera ta e t'o breu di die el quier hacie un fahor, pasobra e t'o ta cerca di muri. Ta masha dia caba su curpa n' ta bon. Gil a bai Herefordshire, pa e caso cu su tio por muri. Mi tambe lo tabata desea di tabatin un tio pa larga un torueta bunita asina pa mi".

Sherry a queda ta mire cu un ploo riba su frente y a punte:

"Bo ta sigur di esei, George?"

"Como no. Ta un paar di ora pa sa cu mi a tuma despedida di dje. Ta quico bo ta meen anto?"

"Oh, nada particular." el a responde, mientras el a pasa su man na su frente. "Solamente mi quier a puntra mi mes.... Pero no, nada!"

Tabata masha dificil pa Lord Wrotham di mira su amigu duro den su cara y e tabata mira su lestran di jaag.

Sherry su cara tabata bleek y preocupado. Si acaso e no a priminti Hero riba su palabrita di honor cu lo e no bisa Sherry na unda e ta, anto cu gusto lo el a bise tur cos.

Pero na baida di Hero, su camarera y Ringwood el a priminti cu lo e no traiciona nan y e mester warda su palabrita.

"Bam mira Sherry. Hero ta bai cu mi awor si of no?" Lord Wrotham a puntra aparentemente impaciente.

Sherry tabata irata na drocha e asunto y a responde:

"No e n' ta suti su curpa bon awe mainta. George!"

"Basta cu e no ta grave mi ta spera?"

"No. Esei quier meen, mi n' sa com e asunto ta. Mi ta quere cu ultimamente el a molestia su curpa masha hopi. Ainda e no a custumbra cu e bida di ciudad aqui. Mi ta quere cu agui un paar di dia mi ta bai cune foi ciudad. Indudablemente e tin mester di cambio di aire".

Ta duel mi masha tanto di tende esaki. Pero enfín. N' tin manera otro di haci. Salude masha pa mi y mehoracion".

Sherry a companja su amigu te na porta y a punte diripiente:

"George ho sa unda mi primo Ferdie ta?"

"No tuma mi na malo. Pero ta com mi por sa?" George a responde, mientras el a quita su handshoennan. Lo que si mi sa cu atera el a bai come cerca famia Long. Quizas lo e ta drumi na cama cu dolor di cahez awor aq".

"Bo tin sigur cu e tabata cerca famia Long aq?"

"Sigur mi n' tin. Pero e tabatin un idea asina". George a responde.

"Oh! Anto... No, esei tampono lo e no haci... Sherry a coloriza y no a sigui papia mas tanto. El a cesa un ratu y a continua: "Pa ser franco, mi mes su cabez ta bon pisa awe mainta. George!"

George a murmura un y otro y a tuma despedida pura, despus di cual Sherry a bai trobe den biblioteca pa e bai sinta den un stil facil p'e reflexiona ta quico a resta awor na haci.

Su amigunan tabata spera cu nan lo por a contr, cune na nan luganan di encuentro, ma Sherry a bandona ciudad. Primeramente el a bai Buckinghamshire na e cas paternal di Ferdie Fakenham; di ei e ta bai enteramente na noord, na Croxteth Hall, e hacienda di duque van Sefton. Unda cu el a bai tabata enbano, pero su tanta y lady Sefton a logra sabi foi die ta quico tabata pasando. Si sibi quico haci y sin preocupar cu loque e hendenan ei por a bisa y pensa di Hero el a bandona e lug.

Sherry a apure na bai London, pero yegando aya el a bai hanje e cas na Hall Moonstreet ainda bandida. Tabata manera ta morto tabatin den e cas ei y ta p'esei el a dicit na cerra e cas nuna y bai bida den su clarion como soltero. Pero ora cu el a ripara hon e no a hanja e idea ei bon tampoco, pasobra e ora ei e mes ta ocasiona cheis pa tur hende haci re-du.

Y supongamos cu Hero regresa trobe y el a hanja tur porta y bentana claba y cerra na jabi.

(E ta sigui)



SUNAID e number ta papia pa su mes.

ANTILLAS A EMPATA CU BARRANQUILLA

(Di nos redactor Deportivo) ORANJESTAD. — E seleccion di Antillas a enfrenta un seleccion di Barranquilla diamars anochi den un partido cu a resulta un empate. E score final tabata di un gol pa banda. E veloz Arubano Edwin Dirksz a holi be percursu pa e unico tanto di Antillas.

Segun noticia ricibi for di Colombia, e seleccion Antillano ta biaha awe back. Nan ta yega Corsow pa l'or awe merdia y Aruba pa mas o menos 2'or.

Asina ta cu nan viahe back pa Antillas a worde adelanta cu un dia.

VAN ROSBERG LO REPRESENTA ANTILLAS

(Di nos redactor Deportivo) ORANJESTAD. — Pa atende e Congreso di e Confederacion Centro

GAS

ta ventahoso

GAS

ta practico.

Haci bo pedido di gas na tempo na

ARUBA GAS SUPPLY

Tel 1198

Americano y del Caribe, cual ta cu maza najan na San Jose, Costa Rica, conio representante di Antillas Holandesas a worde designa Sr. Walter van Rosberg. E persona aki ta miembro di directiva di N.A.V.U.

E congreso lo dura mas o menos tres dia y lo tin como punto principal pa ser trata e proximo campeonato di e circuito ey, cual muy probablemente worde teni den luna di maart of april di otro anja na San Jose mes.

STATUTONAN DI JONG SAN NICOLAS APROBA

SAN NICOLAS. — Den e apendicean di e Curacao Courant di 2 di december p.p. nan a publica e statutonnan aproba di e club deportivo „Jong San Nicolas”. E club aki a keda funda dia 28 di october di anja pasa.

BAILE DI „VIVONS EN CHANTANT”

ORANJESTAD. — Diasabra awor dia 10 di december e coro di canto di damas na San Nicolas „Vivons en Chantant” lo tene un grandioso baile den Palmbeach Club for di 10'or di anochi te 2'or di marduga. Produccion di e baile aki, di cual e musica ta den bon man di „Los Duques”, ta destina pa e fondo di koor.



Cu puntanan di NOMAD bo por hanja disco, y pronto tambe glas di Nutricia pa bebe awa y canica.

E. & G. MARTIJN (Aruba) LTD.

Tel: 1492 - 1493

CANDIDATONAN PA DIRECTIVA DI O'STAD LITTLE LEAGUE

Cuatro club afilia na Oranjestad Little League a haci uso di e oportunidad pa stipula candidatos pa directiva di Oranjestad Little League. E reunion general di e organizacion aki pa eligi un directiva nobo lo worde teni dialuna awor 12 di december den sala di reunion di Wilhelminastadion.

Pa e puesto di president tin dos candidatos stipula: D.D. „Mingo” Salazar door di Oranjestad Little League y B.B.C. O So Grape; Frere Edgar door di B.B.C. „Aruba Lions” B.B.C. „Hilton Shoes” y B.B.C. „Comalt”.

Pa vice-president unicamente un candidato tin y esaki ta L. „Chipechi” Pick. Kende ta conta cu apoyo di Oranjestad Little League, O So Grape, Aruba Lions, Hilton Shoes, y Comalt.

E puesto di secretarios tambe tin dos candidatos, e actual J.G. „Johnny” Oduher, stipula door di Oranjestad Little League, Aruba Lions, Hilton Shoes y Comalt; y C.A. Tromp, respalda pa O So Grape.

Coincidencia ta cu e mes dos candidatonan aki a worde stipula pa e puesto di tesoreror tambe. Nan candidatura a sali for di e clubnan cu no a pone nan pa secretario.

Pa Contrisario tambe tin dos candidatos, cuanlian ta D. „Lobo” Rydderstad, proponi door di Oranjestad Little League, Aruba Lions, Hilton Shoes y Comalt, mientras cu e otro P. Tromp a worde proponi door di O So Grape.

Ademas di eleccion di un directiva nobo tin diferente otro punto cual lo worde trata den e reunion general di dialuna awor.

PREMIO MAS HALTU DI CYI TABATA DI VROLIJK

SAN NICOLAS. — Ora cu e premionan a ser anuncia pa e ideanan cu a worde manda aden durante septem y october u.p., pa e accion di Lago Coin Tour Ideas, a resulta cu senior L. Vrolijk tabatin e premio di mas haltu. Su idea tabata un nozzle fabrica pa sandblast cu a gana fls. 300.— pe.

Na tur tabatin 27 idea cu a worde premia. E suma total pa e dos lunanan ta monta fls. 1.725.—.

Cumpleanjos

Ta di cumpleanjos Johan Clinton Heyliger y ta ricibi pahien di su abuelo Vance, omo Arthur, Donald y John, tatanan Coussie, Hilda, Gloria y tur su prima y primonan.

E hobencito John Clinton Heyliger ta celebra su promer anja di feliz existencia y ta ricibi felicitacion di su estimado tata George Clinton y mama Margarita Heyliger.

Pa felas bon y barata „DE WEEFSTOEL”

Awe ta cumpli su feliz aniversario srta. Maria Gron y ta ricibi felicitacion di su mama, tata, rumannan, pepe Juliana Amaya, y di su amiga Ricci Toppenberg y demas amigunan.

Ta recorda su fecha natal e gentil caballero Juanito Wolff y ta ricibi felicitacion di su mama Petra, tata Johan, rumannan Genoveva, Claudio, Hose, Mena, Joseph, Maria, Tommy y Pedro, sobrina Nicolaita, primo Juan Henriquez, especialmente di su amigunan Hyacintho Henriquez y Rufo Henriquez y demas familia.

E hobencito Cornelia van der Weide ta cumpli 10 anja y ta ricibi felicitacion di su amigunan Greta Winterdal y di Michael Winterdal.

Pa un bon regalo di Pascu

IJs Eau de Cologne di BOLDOOT

Sra. Viola La Rosa ta cumpli anja y ta ricibi felicitacion di su esposo Joy La Rosa, junan Josefa, Josy y Glenn y Joycelin La Rosa, mama, tata, rumannan, sobrinanan, coner y compenanan, 3 ihanan y demas famia La Rosa, Trinidad.

Nos a caba di ricibi:

EASY AUTOMATIC 1960

WASHERS

Fl. 580.— cash pariba
Aruba Trading Company

D.K.W.

economic den su uso y

Indestructible

KUSTER'S TRADING CO.

ORANJESTAD

SPAAR E ETIKETNAN



FRIESCHE VLAG BIBLIOTHEEK

CEMPRO N.V.

Wayacka - tel. 2444

PA TUR BLOKKI Y CABAJETA
HERCULES CEMENT

Agenda

ARUBAANSECOURANT diariente cu excepcion di diadomingo

Edita pa: M.V. ARUBAANSE DRUKKERIA- EN UITGEVERSEN- EN PUBLICITEITS MA. Nieuwstraat 65 - Orsted, Aruba N.A.

Subscription 73.— paga adelanta Edicion suelta 20 ct.

Telefon: 1110 Directiva y anuncio 2110 Redaccion y suscripcion Directieuroostredacteur: D. Wolf

Imprimi na M.V. Drukkerij „De Sted”

Edicion suelta obtenible na 20 cent na: Union Store, San Nicolas - Boekhandel Mariska, Oranjestad - y Cabana Shop, Aruba Caribbean Hotel.

CINE

DE VEER 8.30 „Great expectations” 18 J. HIALTO 9.00 „The flame barrier” 18 J. PRINCIPAL 9.00 „Ten seconds to hell” 30 J. AVROHA 9.30 „The Tijuana story” 18 J. SAVANETA 9.30 „Juvenile jungle” 18 J.

BOTICA DI WARD

Oranjestad: BOTICA ARUBA 1060 San Nicolas: BOTICA CENTRAAL tel: 5006

WIT GELE KRUIS

Zr. Ewald - Zr. Perpetua tel 2200

POSTSLUITINGEN

Donderdag

Bonaire 10.00 Br. Juliana 16.00 Canada 8.00, Curacao 10.00 & 16.00, New York 8.00 Suriname, 16.00, Trinidad 16.00, Caracas, 15.30, Maracaibo 15.30.

RADIO KELKBOOM

Diahuebs 8 di december

10.00 Opening
10.02 Dinos Latinos
10.30 Musica Internacional
11.00 Musica Norte Americana
11.15 Musica Antillana
11.30 Musica varia
12.00 Lunchmuziek
12.10 Aruba Candie ta presenta „Noticias Local” (Pap.)
12.20 Intermedio Musical
12.30 Mercurius Trading Co. bledt U „News in het Nederlands”
12.45 Intermedio Musical
12.55 Viana Auto Supply brings you „News in a nutshell” (Eng.)
1.00 Musica varia
1.30 Met ora cu Boleros
2.00 Variation Musical
2.30 Musica Instrumental
3.00 Cha cha cha
3.15 Merengues
3.30 Tumba y Wals
3.45 Nos artista di awe
4.00 Rancheras
4.30 Noticias na Pap. Gokaal-polla y dapo
4.45 Cocktail Music
5.00 Danzones Cubanas
5.15 Musica varia
5.45 Calypso
6.00 Nutricia jeugdelied.
6.15 Cumpleanjos felix
6.30 Sinterklaas programma
7.00 Aruba Trading Co. ta presenta „Noticias Schilte” (Pap.)
7.15 Musica varia
7.30 Musica Hulandes
7.45 Nieuwsbericht
8.00 Norte Americana
8.15 Lafrima de una madre
8.30 Musica varia
9.00 C. C. A.
10.00 Sluiting.

RADIO VICTORIA

Diahuebs 8 di december

11.00 Aperçu
11.15 Novela Cristiana
11.30 Melodias di Meridia
12.00 Ultimas Noticias
12.15 Musica Sagrada
12.30 World News
12.45 Organ Memorias
1.00 Radio Concert Hall
2.00 The Reading Room
2.15 Sacred Songs
2.30 The Quiet Hour
2.45 Ensueños Musicales
3.15 Melodias del Alma
3.30 Desencadenado
4.00 Musica di Banda
4.15 Eonnan Celestial
4.30 Cafe con Musica
4.45 Waltzman Favorito
5.00 Academia del Aire
5.15 Palabranan di Bida
5.30 Interudio Musical
6.00 Ultimas Noticias
6.15 Santa Leo
6.30 Noticias Hulandes
6.40 Musica Clasica
7.15 The Bandstand
7.30 Horatio Hornblower
8.00 World News
8.10 Off the Record
8.30 Back to the Bible
9.00 Musical Gems
9.30 Songs in the Night
10.00 World News
10.15 Hymns that Live
10.30 Sign off

RADIO CARACAS TELEVISION

Juev's 8 de diciembre

8.23 Patron de Radio Caracas Television
8.27 Informacion sobre los progr. del dia
8.30 Pelicula
9.30 El Arbolito
10.00 El Cincuentario de mama,
10.30 Cosas de Mujeres
11.30 La Perfecta ama de casa
12.03 El Gran show de las Doce
1.15 Historia de amor
1.30 El Imparcial Television
2.00 Punto y aparte
2.30 Club Femenino
3.00 Estudio de Hector Monteverde
3.30 Telefortuna
4.30 Club de los Nietos
5.30 Documentales
6.30 Cine variedades Yukery
7.00 Julian Pacheco
7.07 Cortos cinematograficos
7.15 La Novela Ammen
7.20 El desafio del Hombre
8.00 El Observador Creole
8.15 Su novela FabVarta
8.30 Historias KLIM
9.00 La Novela Camay
9.15 Amador Bendayan en T.V.
9.30 Esta Noche con Billo
10.00 Que le parece compadre.
10.10 Actualidad Politica
10.40 Cineprograma
12.00 Patron de Radio Caracas T.V.
Hymno Nacional
Locutor de Guardia

CINZANO

SEMPER FRESCO. SEMPER BARATA Y SEMPER LIMPI
KEES GROCERY N.V.
Tel: 1079 - 1918
— J. G. Emanstraat 30 —

LAGA BO PLACA
TRAHA PA BO
NOS TA PAGA
3% PA ANJA
BANCO ANTILIANO N.V.
Ariba Wimeco

CISCO KID

1. „Bo por haci un buraco den e dak, sin hopi boroto...“
2. „Ya e ta cla. Pronto lo bira seur, y...“ „Bo no por haci e buraco mas grandi pa mi por pasa tambe?“ 3. „No tin mester. Abo ta queda. Asina, cu un hende bini, lo bo ronca pa dos. Bo ta comprende?“



JUAN EL INTREPIDO

1. „Behar a bay busca ayudo! Nos mester warda!“ 2. Poco despues, Behar ta jega na un posada. „Porfin! Ya mi a perde hopi tempo!“ 3. „Behar! Na unda bo tabata, idiota...? Na unda e bus ta... cu e instrumentonan? Tabatin un trouble, s-senegal! Pero e bus ta algun kilómetro di aki, pega den lodo... mester saque!“



DICK TRACY

1. „Si pone un jiu na calla, ta un crimen...“ „Sigur, ta un ofensa...“ „E auto cu e muhera na bini tabata un auto caro tambe. Sin duda nan ta hende di manera...“ 3. „Si solamente nos por hanja sa nan nomber!“ „Aha! Mi a mira nan number di auto door di e periscope y mi a scirbi. Quico mas bo quer?“ 4. „Ogden, bo ta inteligente!“



RIP KIRBY

1. „Bo a usa e palabra horta. Bo quier a meen cu nan ta ideanan horta?“ „No, no! Mi a referi na e obranan!“ 2. „Nos no ta preocupa pa e palabranan horta, presta di con cu bo quier jamé...“ 3. „Nan a hanja e camina di „Caleta del Tesoro“ sin paga placa...“ „Y aki nan ta salvo.“



EL PRECIO DEL TRIUNFO

1. „Mi por?“ „Como no, laloo... pa tres minuut!“ 2. „No, mi a tende cu Val ta bay casa cu bo...“ „Si, su mayoran quier pa nos anuncia e casamento luna cu ta bini riba aniversario di su boda!“ 3. „Bo ta quer nan lo duna nos tempo... pa almorzar huntu un di e dianan aki?“ „Mi no sa... mi quier meen... esaki no ta algo inoportuno?“ 4. „En verdad mi no sa ta quico... pero mi mester miré!“



EL DIARIO DE UNA VIDA

1. „Laga mi hibé, teniente. Mi sa con mester traté... prison lo ta peor p’e.“ 2. „E no ta asina mal manera e ta paré... e deseo di dje pa bira un hende famoso ta hací bira asina... y e ta sinti cu e ta fracasa, pasobra...“ 3. „Nada cu e ta haci tin haber cu grandeza. Esey ta su lucha... pa su obranan bira popular. Lagele pa mí!“



1. „Mi ta primiti bo cu lo e no bolbe aki mas...“ „Hum...“ 2. „Quico bo ta quere, Eva?“ 3. „M-mi ta quere cu e mester bay di aki... y no bolbe mas...“



Petrona & Croes

Dakota - Tel. 1712-1639

PA TUR SORTO DI MATERIAL

PA VERE

ESSO NEWS ACERCANDO SU VIEHESIMO ANIVERSARIO

ORANJESTAD. — Den Aruba Esso News di 3 di december nos a lesa cu aki dos siman Aruba Esso News lo ta hinti anja bieu.

Cada bez cu un corant of un revista sali su contenido ta reflichá nobedad, cambio y desarollo segun hende ta progresa. Asina ta e caso cu publicacionnan industrial manera Aruba Esso News. E ta reporta na empleadonan y amigonan di Lago e cambionan y desarollo di compania, su cara y su empleadonan E obheto principal di Aruba Esso News of di cualquier periodico edita obhietivamente ta di tene su lectornan informa. Miedu, desconfianza, enemistad y cantidad di otro actitudnan cu ta causá daño na industria, gobierno, comunidad y sociedad en general ta multiplica nan mes den seculidat y silencio, pero no den luz di informacion.

Un empleado informa ta un hende capaz di comprende y despues forma un opinion cu inteligencia. Lago ta desea pa su empleadonan ta informa y pa nan por comprende. Ta pesey pa cada dos siman, durante binti anja, Aruba Esso News a publica informacionnan tocante bida di Lago y su desarollo manera nan a worde crea pa miles di empleadonan fiel y leal.

TRES AMBTENAAR CU STUDIEOPDRACHT

OSTAD. — Senjores Arends A.L. Nicolaas y A. Mulyale a ricibi di B.C. di Aruba un studietoel di B.C. di Aruba. Senjor Arends, antes emplea na inspectie der belastingen y despues traslada pa un die otro dienstnan, lo bai studia gemeentefinancien na Boxtel. E mesun estudio aki senjor Nicolaas, cu ta traha den departamento di onderwijssaken lo haci na Oss.

Senjor Mulyale kende anteriormente a hanja su diploma di gemeenteadministratie I na Hulanda y despues a bolbe pa Aruba pa traha como adjunct commies na bestuurskantoor, actualmente ta bai continua su estudio atrobe pa e diploma „gemeente administratie II“. Senjor Mulyale ta bai studia na s Hertogenbosch.

Our special cake of the week is:

CHERRY CAKE Fls. 5.—

Delicious Pies a weekend treat for your family.

Apple Pie

ROYAL BAKERY
Tel. 1327
Oranjestad

RAINBO BAKERY
Tel. 5064
San Nicolas



E „Corvair Monza Club Coupe“ cu actualmente por ser mira den showroom di Aruba Trading Co. na Rondweg. Momento cu familiares a carga e difunto sr. Egbert Octavio (Tato) Frigerio for di su residencia Vondellaan 12 pa hiba den e wagen di morto.

„COR“ 1961 DI ARUBA TRADING COMPANY

ORANJESTAD. — E prome auto Corvair a jega nos isla y e por ser mira den e showroom di Aruba Trading Co. den Rondweg. Un preciosidad di un auto lama e „Corvair Monza Club Coupe“ di color blanco parti pafor y asientanan paden cu furo corra.

E „Cor“ di e 1961 ta diferencia hopi for di esun di e anja coriente. E tin un forma mas dobla compara cu e figura hasta straight di esun di 1960. Hopi cambianan a bini na die pero e motor si a keda na unda cu e ta; parti patras di e auto.

Mesero e tur e modelonan di Corvair. Monza tambe ta ofrece tur e benificionan di e „Car of the Year“. Cu su motor di aluminio enfria patras di e auto cu e apartamento pa pasaheronan, kendenan no ta hanja e eajente di e motor pa motibo di

un skot especial cu no ta laga nada pasa, mas den centro di e auto, y su distribucion di peso y corremento ta keda constante no obstante e cantidad di pasaheronan. Y e distribucion di peso aki ta haci cu hasta den momentonan di emergencia e auto por brake y keda para straight y cabez anha. E Corvair Safety Master Brake ta facil y ta similar na un auto grandi cu e power-brakes.

E sientanan cu por hanja fura den colornan Corra. Blauw o Berde por worde dobla padilanti ora cu un hende kier drenta sinti patras. Den vloer e Corvair tin un tapiz di plush di color corra. E Corvair por worde bisa ta un auto chikito, cu un espacio grandi, y cu ta duna tur e facilidadnan di un auto grandi.

JAN H. CROES TA AGENTE DI CIGARIA „ANTILLANA“

SANTA CRUZ. — Aurora Bar di sr. Jan H. (Jendi) Croes na Santa Cruz a keda nombra como agente di e prome cigaria fabrica na Antillas y cu ta carga e nomber „Antillana“.

Dia 12 augustus Aurora Bar a keda nombra como e agente exclusivo na nos isla door di e firma „A.D. Jonckheer N.V.“ cu ta fabrica e cigarianan na Corsow.

E prome dos envionan ricibi dia 29 di november na Aruba ya a likida y pronto nan ta spera e di tres envio. Por bisa cu un cantidad di mas cu mil carton di e cigaria aki ya a ser bendi na nos isla.

Cuarenta y cinco cent pa un paki di binti cigaria „Antillana“. Binti cigaria Antillana traha den un di e eajanan smal patras di Brionplein na Corsow na unda A.D. Jonckheer N.V. desde eorto tempo a lanta den un apartamento chikito su fabrica di cigaria, cu por lo pronto no tin un nomber.

E donjo mes a admiti cu e fabrica ta chikito ainda pero e ta di opinion cu si resulta cu „Antillana“ hanja bon acogida riba Antillas Hulandes anto esaki pronto lo crece na un propio industria Antillana, cu lo bin duna trabau na hobenan Antillano. Den e fabrica aki di e cigaria, cu ta un mescla leve di tabaco Mericano y tabaco turco, ta trahando den e parti principal diezdos mucha muher Antillana. Trahamento di e cigarianan mes ta socode completamente automatico, pero pa loka ta toea empaketamento esaki ta socode semi-automatico den e fabrica.

1500 pa minuut

E machin cu ta traha e cigarianan, un aparato Mericano, por fabrica un cantidad di 1500 „Antillana“ pa minuut. Cu esaki nan tin mas di suficiente pa e consumo den Antillas, maske cu e machin no ta traha tur dia mes.

E tabaco, e producto prima anto pa e cigarianan, ta bini for di Philadelphia na Estados Unidos, na unda e ta worde investiga corta y prepara pa „Stephano brothers“, un industria macha grandi di cigaria. Asina e tabaco segun un sistema cu pa basta tempo caba ta worde aplica na Haiti y na unda e cigarianan ta worde bendi macha liher. Ta ser bisa cu na Haiti nan no ta huma casi nada otro cu no ta e cigaria ey di propio suelo.

Cu e cigarianan ta bal 45 cent pa paki fls. 3.95 pa carton, ta un resultado di e hecho cu e tabaco por worde importa na un prijs mucha mas abai. Riba cigaria e dereccion di importacion ta keda mas halto.

Futuro

Pa loka ta toca futuro di e cigaria aki A.D. Jonckheer N.V. ta pensa na trece un cigaria mas fuerte pa e pueblo na razon di 35 cent. Ademas ta nan intencion pa ora cu „Antillana“ hanja su acogida y di esaki nan ta sigur nan lo traha tambe cigarianan King-size, filter-tips y cigarianan di menthol.

Coleganan a brinda pa 25 anja di servicio di Obensio Helmijr

ORANJESTAD — E empleadonan di Landsontvanger prome di a bandona trabau ayera tardi a keda un rato pa huntu cu nan superiornan gasta un brindis na honor di e hecho cu nan colega sr. Obensio I. Helmijr a recorda cu e fecha di ayera tabata e mesun riba cual el a drenta servicio di Land 25 anja pasa.

E recepcion tabata breve den e oficina cu ya a cera su portanan. Casi tur e empleadonan tabata presente y entre nan tambe e adjunct inspecteur sr. H.J.W. van de Weide e verificateur sr. J. Wagner y e Landsontvanger C.A.G. Profeet. Tabata e prome persona menciona, sr. Van de Weide, cu a cuminsa na recorda e hubilario riba e trabauonan cu el a laga tras di lomba durante di e cuarto di siglo aki. Orador cu a traha masha estrecho cu sr. Helmijr semper a warda e mihor acuerdonan di nan tempo buntu. Semper el a conoce e hubilario como un persona serio, aplicado y un ambtenaar masha acapaca. „Ta pesey bo promociannan rapido di ultimo tempo no ta stranja nos“, sr. Van de Weide a expresa prome di a conclui y desea hubilario mucho mas exito den su carrera. E Landsontvanger sr. Profeet tampoco no a keda atras y e tambe tabatin algun palabra di aprecio. En eorto el a memoria e carrera progresista di sr. Helmijr, naci dia 1 di october 1917 na Corsow, kende a drenta servicio dia 7 di december 1935 como hulp-kommies na e isla ey. Na anja 1940 nan a trasladele pa Aruba na unda el a bai pa servicio di Landswatervoorziening. Shete anja el a keda aki y despues na 1947 el a bolbe pasa pa Ontvangerskantoor, e biaba aki den calidad di deuurwaarder. Na 1957 nan a nombrela como sub-kassier y alavez „denstdoende“ deuurwaarder. Por ultimo, dia 1 di januari di e anja aki su nombracion a sigi como kassier. Sr. Profeet na final a felicitale personalmente y tambe na nomber di demas coleganan y a entregale dos envelop pa parti di gobierno central. Un di nan un felicitacion especial di e ministro-presidente di Antillas y e otro e conocido envelop blanco cu contenido. Y finalmente a bini, den forma di un gespo di oro pa faha, e regalo di e personal di Landsontvanger. Sr. Helmijr, biba na Aruba desde 1940 y actualmente residencia na Pavilla 3, a gradici por ultimo pa e honor ricibi ayera tardi. Y ta keda nos tambe e deber pa manda nos mas sincero pabien.

Intimamente sr. Obensio Helmijr a celebra su 25 anja den servicio di Landsontvanger ayera tardi. Aki nos ta mirele (di cuater di robez) mei-mei di su coleganan.

